

大元至元辨僞錄隨函序

翰林直學士奉訓大夫知制誥同修國史臣張伯淳

奏續奉

天無私覆地無私載日月無私照辨僞錄之所云良有以也洪惟

聖朝繼天立極論道經邦以佛心子育萬方

以正法澤被四海至元辛卯之歲孟春大

聖情由是至元十八年冬欽奉

雲峯長老邁吉祥欽奉

皇帝明命撰述至元辨僞錄奏對

天顏睿覽頒行入藏流通原其所自己郊間道士丘處機李志常等毀西京天城夫子

永福楊大師璉真佳大弘

廟爲文城觀毀滅釋迦佛像白玉觀音舍利寶塔謀占梵刹四百八十二所傳襲王

聖化自至元二十二春至二十四春凡三載恢復佛寺三十餘所如四聖觀者昔者

浮僞語老子八十一化圖惑亂臣佐時少

山寺也道士胡提點等舍邪歸正罷道爲

林裕長老率師德詣闕陳奏

僧者奚啻七八百人桂冠於上永福

先朝蒙哥皇帝玉音宣諭登殿辨對化胡真

帝師殿之梁拱間故典如南嶽山之券爲事

僞

僞者戒誠嘗攷之自大教西來漢明帝迎

聖躬臨朝親證李志常等義墮辭屈奉

旨焚僞經罷道爲僧者十七人還佛寺三十

信等上表譏毀佛法當時築壇以佛道二

七所黨占餘寺流弊甚丁巳秋少林復

繪旨僞經再焚僧復其業者二百三十七所

由乙卯而辛酉凡九春而其徒鼠匿未悛
邪說謠行屏處猶妄驚瀆

經焚之道經悉爲灰燼佛經放光無損尊者踊身作十八變有孤非獅子類燈非日月明之至言道士爲僧者不可勝數如寇謙之矯妄崔浩惑魏太武而崔浩卒以族誅曇謨最之挫屈姜斌斌流於馬邑齊曇顯之愧陸修靜唐總章元年法明辨化胡

之僞勑搜聚天下化胡經抑嘗火其書矣由古而今歷代帝王之制斯可忽諸蓋

世尊等視三界衆生由如一子弃背大覺是子背其父也子背其父是自昧其所天也且師老子者道德二篇以清虛澹泊絕世弃智立其宗隱居以求其志翛然無爲爾今盜名之徒叢嘯黨援假立冠褐峻侈宮觀苟世利養豈老氏之用心哉况老氏謂大辨若訥大巧若拙辯者不善善者不辯勿矜勿伐抱一爲天下式而占毀佛寺竊經扇化胡之僞是若拙若訥歟是善者不辯歟師老子而違其術亦復違其自宗

矣若嫡師於老子者則弗爲也過歸未流尓雖然麒麟至於走獸鳳凰至於飛鳥蘭蕙至於薰蕕旃檀至於穢壤則世未有舍鳳凰麒麟之瑞蘭蕙旃檀之馨而慙走獸飛鳥之常薰蕕穢壤之垢者人心天理愛惡之所同也柰何菽麥未折而甘事於僞

妾不實之教復誇誕其浮辭侮慢大覺訕毀至聖而弗憚三塗之淪溺乎斯辨僞錄之正名教造理淵奧排難精明凜乎抗凌雲之勁操坦然復王道之正塗而隄備後世之溺於巨浸者其爲言也至矣蓋有僞

何一三則辨無僞則無辨豈好辯哉弘四無碍之

辯者邁公之德歟言之者無罪聞之者足以戒故我

皇金言喻辭曰辭如五指皆從掌出佛門如掌餘皆如指信乎王言如絲其出如綸明逾日月堅逾金石爲萬世之龜鑑則斯錄豈小補哉

大元至元辨偽錄序

蓋聞五運未形元無人物之号三才既立乃
叙尊卑之名肇分六爻始畫八卦而有書契
定乎訓章鳳篆龜圖金縢王字百家之異轍
萬卷之分區雖理究乎精微言禪乎物範紀
情括性未出乎域中原始要終詎該於化內
况乎法身無相高超於象帝之先真諦絕稱
迥出乎思議之表英猷茂實代有人焉如意
者俗姓乎延氏太原人也系乎延讚之裔世
傳纓冕累葉播遷代郡因爲家焉九歲落紺
隨師請業玉離荆岫價重之德彌彰桂去幽
巖馨香之風遠近阿師內窮第三藏之奧外叢
九流之源名冠於中華聲聞於朝野連談天
之口施不世之才郁郁間綺錦之文雄雄聳
凌雲之氣班馬之珠玉未可同年顧陸之文
章寧堪並駕至若莊生墨生之學黃老李老
之書三清謗道之文十異九迷之錄混元隱
月之秘靈寶赤書之儀煥若曾膺明猶指掌

加以禪參於五派傍閱於群書既有雄才巨
筆特專著述運思之外汲引無窮挫邪則有
吼石之功扶正則具鞭髡之德固以才侔安
遠學邁生融實覺海之龍鱗迺佛門之柱礎
切見全真道士者丘處機李志常史志經令
狐璋等學業庸淺識慮非長並爲鄙辭排毀
正法擊茲布鼓竊比雷門使中下之流咸生
邪見欽奉

薛禪聖明皇帝發大悲心愍其盲瞽恐墮泥
犁敕令製斯論耳震蕩法海摧彼詞鋒碧鷄
之銃竟馳黃馬之駿爭驚狀鴻燭之焚熾翼
猶炎日之煉輕冰負勝之儕於斯可見贊歸

慈定已破魔軍至元十八年十月二十日復
之欽奉

先皇帝聖旨勅令天下偽經一時焚盡由是
佛日重暉於碧漢法雲廣布於闡浮右如意
所作文賦注解四經序韓文別傳性海賦等
在世已傳然茲論五卷二百餘紙窮釋老之

淵源分邪正之優劣蓋唱亦高而和亦寡深可媿焉余文慚綺麗學匪通圓覩斯論之嘉言欽吾皇之鴻護不勝手舞勉為斯引輒以藤纏聯彼珪璋庶博雅君子詳其致云余大雲峯住持襲祖沙門雪谿野老貴吉祥述

大元至元辨偽錄卷第一

大都路道者山雲峯禪寺濟祥邁奉勑寶錄撰

蓋聞法王御世弘正道以濟時明主臨軒闡皇極而拯物剪邪扶正崇德辨惑故堯誅四凶而八紘道泰佛降六衆而五印歸心皆所以整亂救焚啓迪耳目夫我佛者功成曩劫爲物降靈無生示生利見大千之土絕相現相頓化百億之方猶浩月之流空千江普應若長風之噫氣萬籟聞聲誘癡子於一極之乘引迷途於八正之路拔五濁之熱惱撒四倒之樊籠指衣下之明珠剖塵中之經卷破魔軍於道樹不下廟堂摧外道於金河折衝

何一

五

無外恩流萬國澤及四生慈雲蔭有頂之天法雨潤無疆之界群生無惑大聖歸真聖哲繼輝維持玄範則有馬鳴龍樹恢教網於西天提婆愛賢建法幢於南印世親擅鞭屍之德陳那驛乳石之奇挫外道於一時播嘉聲於萬古洎乎金容東夢玉馬西來摩騰顯正於洛陽道書咸從火化僧融破邪於關內梵志結舌無言懸佛日於昏衢扇慈風於寥寂英髦接武俊彥聯芳故有大統齊法師上多能折姜斌於魏闕法琳博物排傳奔於唐朝騰盛德於當時震佳聲於叔世但以去聖逾遠魔僞逼真紫寶亂朱珉常混玉自非上智疇克

考明所以焜璞溫名問人一其貴賤鷄鳳殊狀楚俗迷其是非故有守文曲流拒爲異端之說巧言邪道引爲同己之談筆至道無損於毫釐而僞說有塵於視聽此幽途所以易墜聖門所以難涉者也我

大元之有天下也慶叶金輪禪符玉曆掩六

合而光宅統萬國以提封東盡蟠桃西窮綿
柳南移金鼎北抵玉衡自尊盧赫胥以來秦
漢隋唐之後未有如今朝之盛者也
太祖太宗頒明詔而匡護元帝明帝捨金寶
而修崇感思付囑之心共仰慈悲之訓免其
賦役展其化風

今上皇帝深仁睿智體道寬明荷

四聖之雄基纂百王之洪烈萬機之暇眷顧
佛門調百千藏之全文延數萬僧之勝會植福
覺苑修建伽藍政尚寬仁澤及黎庶搜揚仄
陋黜陟賢愚明釋道之淺深達邪正之優劣
道士無識蔑視國家欺以朔方之居肆其私
臆之辨丘處機妄言謫上李志常矯飾媚時
萃逋役之罪徒集排釋之僞典令狐璋首編
妄說史志經又廣邪文效如來八十二龕集
老子八十一化古今不辨經史匪通攘竊佛
書收為道教採釋瑞而為老瑞換姓安名改
迦祥而作老祥擅為己德僞中生僞虛上架

虛張李聃出於空洞之前屈迦文降於周莊
之代立傳圖像行板流通俾尹喜作佛等老
聃為釋迦之祖伏羲授訓高伯陽為羲農之
師軒皇問道於廣成認為老子文王師承於
呂望紐為老君周公屈膝於床前莊子數以
莊子經孔子厭角於座下問滅三教而獨顯超千聖

以居尊孤高五運之前作師百代之下域中
獨聖更有誰何巧飾百端了無一實詳此圖
也意欲剪除百氏獨擅一宗掩羲軒之聖功
滅釋孔之洪範元惡大憝世人不知雖有窮
之亂夏政王莽之欺漢庭未足過也若非
主上明聖朗鑒無惑孰能察辨真僞目識是

非由是特下明詔揅定虛實萬載凶裁一時
而拔爰有典教宗師少林和尚者祖庭柱礎
梵宇棟梁心質直而無私性淵澄而深博慤
其愚瞽蕩彼迷封掃妖祲於長空揭佛日而
高朗祥邁側聞斯論不可惜言嘉聖王之神
聰美少林之雅對聊憑正典斥破狂談塞妄

說之根源倒邪山之林藪使大羅玉帝憲驚
於九天之中元始天尊騰落於三清之上萬
天教主蓋被難伸九府洞仙慚惶無地且條
數件舉一例餘俾夫金鑰各色涇渭分流玉
液澆腸使迷涎而蕩散金鉢刮膜令智眼以
分明爲暗室之夜光作幽衢之曉鏡通明達

何

六

士知此道焉至元二年歲次旃蒙龍集星紀
陽復之月絕筆於萬壽蘭若

妾立天尊僞第一

第一化云道者萬化之父母自然之極尊於
此幽玄微妙之中而生空洞空洞者真一也
真一之氣化生之後歷九十九萬億九十九
萬歲乃化生上三氣三氣相去九十九萬億
九十九萬歲三合成德共生無上乃虛皇天尊
又歷如上歲數乃生中三氣三合成德乃生
亥老即元始天尊也又歷如上歲數乃生下
三氣三合成德共生太上即太上道君也自
後又一氣復生三氣每氣相去八十一萬億

八十一萬歲三合成德共生李老君雖四聖
相次各不相因謂之獨化老君生後乃生五
運謂太易太初太始太素太極。第五化云
老君混沌之祖宗天地之父母故能分布清
濁開闢乾坤

辨曰蓋闢龍圖鳥篆之文龜書科斗之典王

版玉譏之記金縢金匱之書秦漢魏晉之章
宋齊梁陳之簡記事記史直筆直言靡覩虛
皇之名不聞元始之号安有手執玉圭身掛
黃褐頂垂皓髮頭戴金冠別号天尊高拱三
清之上獨稱教主統御九華之宮縱有天尊
之名並是偷竊佛語古經稱佛名爲天尊不
關道君之事竊他美稱妄自尊嚴取信遍人
斯言謬矣案列子及易鈎命訣皆云天地未
生之前有太易有太初有太始有太素有太
極說者咸云大極者未見氣也太初者氣之
極者質形已具混沌未分也太極之後乃生

兩儀謂之天地夫名從實生實從名起名實既著其道乃行太易之前杳然空洞溟溟漠漠本絕音容何得謾張九氣妄生四人虛上生虛似敲空而求響僞中起僞如趁影之尋蹤豈不思既立其名湏有其体既立其体湏有氏族且道虛皇元始誰人所生氏族何起

(何一)

居在何處若有源系出在何書若無來由即是虛設又空洞之前本無歲數今標歲數愈見虛張蓋數目起於伏羲甲子唱乎黃帝將今記古顛倒何多且上之三尊爲有形耶爲無形耶若是有形不在太易之上爰從父母而生湏有年代時處姓氏名字前云三氣共

則知海棗虛談有名無實彫冰鏤雪枉廢詞章山海之所不收大荒之所不載庸愚巧飾何足信哉老君衰周之柱史誑云混沌之祖宗避周亂而過函關妄云天地之父母旣自語之相戾何函矢之相攻掩耳偷鈴欲隱弥露道德章云吾有三寶寶而持之一曰慈二

曰儉三曰不敢爲天下先老君獻胡王妻子與胡兵格戰何有慈乎乘玉衡之輿坐金闕之内披九色雞羅之衣蔭九光偃鶴之蓋何有儉乎生於無始起於無因爲萬道之先作元氣之祖觀混沌之未判視清濁之未分爲帝王之師作天地之母何有不敢爲天下先

(何一)

平遼陽高憲字仲常遊東京白鶴觀見三清像指其右曰此何像也觀主對曰老君像曰何代人曰周定王時又指左曰此何像也主曰道君像曰此何代人主倉惶未答憲指中尊曰且饒這元始天尊聞者傳以爲笑

德而生則是以氣生氣與氣不殊何有形名若是無形本無名位下第七化乃云老君以上皇元年九月二日出遊西河遇元始天尊乘八景玉輿駕九色玄龍群仙導從手把華幡師子白鶴嘯歌邕邕何會西河之上授老君洞玄玉符此是誰耶進退兩求並無準的

創立劫運年号僞第二

第三化云始則太虛之氣其氣相擊往來亂射經百億萬氣之後其氣方慢往來流行爲自然之氣此論佛書世風輪下族之事也又呈彌羅萬梵之氣又經九萬九千九百九十九億氣之後結吉祥之氣成一聖人自号元始天王同時生五老五其劫號延康年号龍漢又經如上氣數乃生道君時劫號赤明年亦号赤明同時生九老分爲九天又經如上氣數方生老君劫號清運年号上皇時生八公又立五運太易太初等老君乃以陰陽二氣結爲混沌而分布天地萬物始備矣

許慎說文云以兵憎人曰劫又魯將曹沫劫桓公於壇上求所侵地此則逼奪名劫豈有劫運之言乎今陳此言妄竊見矣夫路既有一年号斯張將以率領萬方整齊四海混同九年有一車書天子至尊得建年号無名位者不敢立焉孔子雖然刪書定禮分辨君臣以無貴位止号素王矧乎老聃周之柱史臣子之列而草竊帝王妄建年号哉況軒皇之前本無甲子黃帝臣大漢武之代始建年号武始立年撓造甲子將古標古亦何僞乎或曰老子生於天地之前別立年号有何乖違答曰既在天地之上乃是太易之前世界未形君臣無跡杳然空寂唯一溟濛建立年号統領誰人乎明知偷佛莊嚴賢劫星宿之意而立此延康形只是洪濛一氣何有老君元始五老九天雖竊佛主劫之名而不曉成壞之數梵云劫波此云時分時雖長短皆立劫名錯謬梵言迷惑体相釋教未來此劫但有劫殺劫賊故

地耶首尾兩端穿鑿見矣

開分三界僞第三

第五化云天地有形之大者太上老君乃混沌之祖宗天地之父母故能分布清濁開闢天地運玄元始三氣而成天上爲三清三境即始氣爲玉清境元氣爲上清境玄氣爲太

清境又以三清之氣各生三氣合成九氣而爲九天第一鬱單天第二上禪壽無量壽天第三梵藍湧延天第四寂然兜術天第五波羅尼蜜不驕樂天第六洞玄化應聲天第七靈化梵輔天第八高虛清明天第九無想無愛天此之九天各生三炁每氣爲一天合二十七天通此九天爲三十六天則三界四民

上極三清是其數也初下六天爲欲界一太黃天二太明天三清明天四玄胎天五元明天六七曜天次一十八天爲色界一虛無天二太極天三赤明天四恭華天五曜明天六皇蒼天七靈明天八端靖天九元明天十極

何一

十一

瑤天十一元載天十二太安天十三極風天十四始皇天十五太黃天十六無思天十七阮樂天十八曇誓天次四天爲無色界一霄慶天二元同天三妙成天四禁上天此二十八天名爲三界此上又四天名爲種人天一常融天二玉隆天三梵度天四賈奕天此四天超出三界又云上三天爲三清境一曰太赤天二曰禹餘天三曰清微天最上曰大羅天包羅諸天極高無上玄都玉京鎮於其上三尊所處焉又太霄隱書云大道君治在五十五重無極大羅天中玉京之上七寶玄臺金牀玉机金童玉女之所侍衛住居在三十

二天三界之外

辨曰詳夫蛇軀犧牛首_炎之書龍師_鷗鳳紀_鸞之典談天_{鄒論天}_黃之誥括地_志_輿地_圖甘氏星經張衡靈憲不說三清之号匪聞大羅之名並是依傍佛經改頭換尾採他名相粧綴已書且道教之宗源起黃帝而老

子消子列子莊周鶴冠尹文派爲道教諸子所談並無說天之事唯是張道陵所集靈寶經中始說三十二天効佛神況而作密言自後道書平相鼓唱空枝引蔓唯誑下俗佛教未來云何不說釋經廣布始唱斯名明名修靜增加三張妄闡狗偷鼠盜何足貴乎尔雅

之丘四号約於四時太玄之說九天准於九有不似道家虛加數目天本定數何有少多今各說不同顯知妄立案佛經三界三業所感總二十八欲界有六色界十八無色有四具勝妙欲名爲欲界形色超絕名爲色界根識兩忘名無色界越此而去名出生死捨分段之後身絕形名而無寄安有玄都之境玉京之山金童玉女交雜之事瓊輿碧帳之飾妄竊不真於斯見矣試問道士三界從何而來何功所感釋名辨相全不能知且道宗極致惟盡昇天靈寶幽微抵貪羽化難逃四相詎免五衰沉業浪以漂沉隨生死而輪轉縱

茫茫之業識積浩浩之苦源長往不歸良可歎息鬱頭藍弗是其驗歟

隨代爲帝王師僞第四

第十一化云老君在伏犧時号鬱花子說元陽經教伏犧叙人倫畫八卦在祝融時号廣壽子說按摩通精經教以鑽木出火陶冶爲

器在神農時号大成子說太一元精經教以播種五穀採和諸藥在黃帝時号廣成子教以抱神守靜之道在少昊時号隨應子說莊敬經教以鳥官爲理分布九宮以統百司在顓頊時号赤精子說微言帝嚳時号錄圖子黃庭經帝堯時号務成子說宣化經帝舜時号尹壽子說通玄經七十卷又說道德經一千二百卷夏禹時号真行子說元始經六十卷殷湯時号錫則子說長生經二十卷周文王時号變邑子說赤精經教以仁孝之道乃至云上古之君皆受教於老子然後造作群物也

辨曰夫賢之與聖名位不同古哲今人出處

各異莊周云萬世之後一遇大聖猶旦暮遇

之此明聖人出世表瑞協祥應千年之期膺適時之運孤標特秀迥出常流故得帝王師之諸侯禮重萬載一遇尚爲旦暮豈有隨代而出現乎夫李耳者退靜之士史記稱爲隱

君子也避亂過關葬於槐里潛身柱下本是人臣位不躡於上階名未廁於台輔何乃擢居聖地爲帝王師諭詖不經駭人耳目培塿要齊於嵩華孰肯憑焉潢濱擬廣於滄溟終難信矣豈有開闢之後萬億餘年中間別無一人拔萃唯有老子爲帝王師乎三墳五典

八索九丘孔子春秋丘明國語百家異說九流雜談並無老子爲師之語唯是後代無知道士妄撰斯言欲使老子獨高群聖美則美矣僞且僞焉且伏羲神農皆有聖德軒皇堯舜並号明君或幼而能言或生知妙道詎假老子數之然後造作群物乎况書傳所紀古

史所明並有古史考並世本

燧人鑽火伏犧畫卦炎帝播尋女媧造笙簧帝作宮室軒冕樂有咸池顓頊作六英堯有大章舜有大韶及作圍碁禹有大夏湯有大濩文王有辟雍武王有下武鯀作城郭蚩尤作兵器歧伯造醫俞附脉經伶倫制律隸首

作筭容成作曆大撓造甲子奚仲作車曹胡作衣伯余作裳於則作履共鼓作舟楫巨揮作弓夷牟作矢黃雍父作杵曰孟莊子作鉢趙武靈王作靴蘇威公作簷暴辛作墳后稷之孫叔均作犁蒙恬作筆蔡倫作帛夏昆吾氏作瓦此皆各有其主群書所明何得自矜覽爲我造又周易繫辭孔子所述列明古帝制造之事如云包犧氏之王天下也觀像於天俯察於地近取諸身遠取諸物始畫八卦以通神明之德以類萬物之情作結繩而爲網罟以佃以漁蓋取諸離神農氏作耜耜為耒以利天下日中爲市交易有無乃至黃帝

堯舜垂衣裳而天下治蓋取諸乾坤如此歷陳法易造物不言老子所造也竊功業標為已能銜名自高君子不忍又云老子在堯時為務成子者案後漢應邵風俗通云東方朔是太白星精黃帝時為風后堯時為務成子周時為老聃在越時為范蠡在齊為鷗子此則

務成子乃東方朔非干老子明矣何得妄加鉤引稱老子為人師乎案魯哀公問於子夏曰五帝三皇皆有師乎子夏曰有臣聞皇帝學乎太真顓頊學乎綠圖帝嚳學乎赤松子堯學乎尹壽舜學乎務成蹠禹學乎西王國湯學乎咸子伯文王學乎鉸時子斯武王學乎郭政周公學乎太公呂望上之所叙文極分明而言老子隨代為帝王師何出言之狂悖哉巧言如簧顏之厚矣且老子襄周柱史史有明文本是人臣返為上古帝王之師覆冠戴屨何顛狂之甚乎又上文云上古之君皆受教於老子則桀紂之不作凶厲之無道

秦皇之凶暴王莽之篡逆亦老子之所教也既然如是則老子為悖逆之魁首巨猾之元匠不忠不孝老子之所生不義不仁老子之所主為人師者不亦慚乎老君既說隨代為師而秦漢之下至於金朝偏無一現乎今既無矣古亦虛焉且漢文恭儉孝武英明孝明達禮樂之情孝章優儒雅之道魏文帝風流文藻晉世祖明達寬仁宋文帝致治昇平梁武帝文武兼備隋高祖混同四海唐太宗混一車書此時不俟老子之化而皆金聲玉振則知牽合巧會枉廢詞章祇可誑於閭閻難可信於達士嫫母加粉見者愈嗤隣女效顰

鄉人不貴呂公春秋亦有文不次序

老子出靈寶三洞僞第五

第九化云太上老君以中皇元年三月一日於玉清天金闕上宮撰集靈篇以為寶經三百卷符圖七千章玉訣九千篇老君於上三皇時出為萬天法師又号玄中法師當龍漢

元年授上三皇洞真經一十二部以無極之道下教人間其時人壽九萬歲於中三皇時號有古先生當赤明元年授中三皇洞玄經一十二部行無上正真之道以化於人其時人壽六萬歲於下三皇時出爲師号金闕帝君當開皇元年授下三皇洞神經一十二部

以太平之道化人其時人壽一萬八千歲夫洞真洞玄洞神各一十二部合爲三十六部尊經也

辨曰夫仲尼入夢十翼之道始宣伯陽過關二篇之教方闡有名爲萬物之始無名爲天地之先混微妙而同玄驚寵辱而一致谷神不死久視長生挫銳解紛謙卑自牧此老氏誇競採傍佛語換體安名擬三界而立三清仿三大而立三洞虛勞紙墨妄飾詞章何以知之漢時張道陵造靈寶經王褒造洞玄經吳時葛孝先造上清經晉時王浮造明威化

胡經鮑靜造三皇經後改爲三清經齊朝陳顯明造六十四真步虛經梁時陶弘景造太清經隋末輔慧祥改涅槃爲長安經後事發被誅案甄鸞笑道論云道家妄注諸子五百五十卷爲道經如此詳之代代穿鑿人人妄制採他佛教標爲道書或言仙洞飛來或言老子再現群賢不覩道士獨傳斯調時君不懼朝憲故唐琳法師對太宗皇帝云若據蕭溫衆議道家止有道德二篇如依漢明校量便應七百餘卷約葛洪神仙之說僅有一千准脩靜所上目中過前九十又檢玄都目錄轉復彌多既其先後不同顯知後人妄制增加卷軸添足篇章依傍佛經改頭換尾或道名山自出時唱仙洞飛來何乃黃領獨知英賢罕覩典籍不記書史無聞試問當今道士推勘後出之經爲是老子別陳爲是天尊更說若也更說應有時方師資傳授爲是何年何月何邦何代若在天上而說何人傳來若

在西域而談何人譯出如其有據容可流行

若也妄言理湏焚剪又漢晉之代僧号道士
寇謙得志僭冒其名今稱法師愈爲矯飾法
師之号源出佛經萬卷百家本無此語且爲
法之師名爲法師法即是師名爲法師名義不
知妄安已号按賢劫已來有三佛出初佛出

時人壽六萬歲第二佛出時人壽四萬第三
佛出入壽二萬何乃改彼三皇妄合其數又
前說云上三氣中而有龍漢赤明之号是時
五運尚無但唯一氣何有三皇之君人壽之
數乎上古縱有五龍四姓九頭十紀亦無三
皇建立年号試問龍漢赤明上皇開皇誰君
之年平若言有說史無明文若言無憑不可
妄立扣其兩端竟無一是又伏羲之前文字
未有何出三洞靈寶之篇乎又十二部名源
出佛經一代時教類分十二道家名義不知
何以妄著已典如琢美玉擬作龍雀雖受劬
勞智者見誚

遊化九天僞第六

第二十六化云是時若君於青羊大會引尹
喜冉冉昇空初至第一天見波利天帝乘九
光元靈之輿蔭七元交晨之蓋建五色攝魔
之節金童玉女九萬人迎老君入大有宮請
問自然之道如是摩夷天梵寶天化應天不

憍樂天覽率天湏延天禪善天鬱單天隨慶
天帝皆日與天童玉女迎禮老君請問法要所
到天宮皆設瓊漿碧醴丹液流薰蘭羞八徹
靈芝珍果

辯曰昔我世尊初成正覺不離道樹而赴諸
天一身不分而遍一切即多而一即一而多

猶如素月流空影分衆水大塊噫氣萬竅怒
號大小咸周遠近無隔無心頓應豈止九天
伯周之柱史尹喜函谷關吏身居下位難等
聖蹤欲爲已德蓋善竊者鬼神不覺旣爲人
知非是好手離欲而獲輕舉禪定而感神通
老子旣無此功何以昇於天上昔列子居鄭

夫妻相忘耳目不分翛然絕寄心凝形釋骨

肉都融然後身如槁葉隨風東西萬里湏臾

過旬乃返而莊周譏云猶有所待矧乎老耳

不絕妻子老子之子名宗宗之子名官侍魏文侯未逮形

亡過關乘薄輦之車道經垂有身之患詎可

昇天變霧駕鶴乘雲凝効牟尼矜爲己勝且

布施而獲大福持戒而感生天汝尚不達斯

由安能爲天說法欲界本六妄云九天初禪

絕男而云玉女勾虛闐僞巧說多端且初禪

已上禪悅爲食定生喜樂捨念清淨何用瓊

漿碧醴蘭羞八徹平將謂天上同於人間羨

酒肉之薰羶爭魚臭之穢濁喻平鴟耽死鼠

便爲鳳凰同食盜聽不真請杜臆說窮鄉多

怪曲學多辯斯言信乎

元至元辨偽錄卷第一

十八末

元至元辨偽錄卷第二

大都路道著山大靈峯禪寺傳法沙門祥遇奉勅錄據

偷佛經教僞第七

第三十化云胡王見太上徒衆甚多疑見鬼

魅遂積薪焚之火起衝天老君放身光明火

中爲王說金光明經胡王益怒納之大鑊煮

之三日老君鑊湯之中蓮花涌出坐蓮花上

說涅槃經又云老君使尹喜爲佛與胡王爲

師讞悔三業六根五逆十惡乃說五戒十善

并四十二章經

辨曰夫麒麟聞而日月虧鯨鯢死而彗星現

銅山崩而洛鐘應葭灰缺而月暈殘蓋感應

之道交故機教之相扣人心渴仰法雨芳菲

沃彼情塵開他蒙昧故孔子曰不憤不啓不

悱不發此明待問而說也况乎聖人設教權

變多方豈使他人起怒自受焚溺全無憚懼

強與他言豈知虛往實歸之道哉剜刻字樣

巧合經名既坐火燄上說金光明經坐蓮花